



REPUBLIKA E SHQIPËRISË
MINISTRIA E ARSIMIT
DHE SPORTIT

AGJENCIA KOMBËTARE E PROVIMEVE

Njoftim i rëndësishëm

(Për marrjen e masave organizative për plotësimin online të formularit A1&A1Z sipas kalendarit bashkëngjitur)

Të nderuar kolegë Drejtorë,

Ju njoftojmë se Portali i Maturës Shtetërore për aplikimin e Formularit A1 do të aktivizohet duke filluar nga dita e martë dt.25. 03. 2016, ora 8 – 16.30. Para dhe pas kësaj ore, për çdo arsye nuk do të ketë aplikim. Sistemi do të jetë i hapur në ditët e shtuna për DAR/ZA-të, që e kanë datën e aplikimit sipas kalendarit të miratuar nga AKP.

Të gjithë maturantët që nuk kanë aplikuar më parë në portalin qeveritar, duhet fillimisht të hyjnë në këtë sistem për t'u autentifikuar. Kjo masë është e detyrueshme, pasi të dhënat e lidhura me gjeneralitetet e tyre, duhet të jenë plotësisht të sakta. Prandaj, në çdo laborator ku do të bëhen aplikimet, dy ose tre kompjuterë të jenë në dispozicion për lidhjen me portalin qeveritar. Pas aplikimit në këtë portal, maturantët duhet të futen në kompjuterët e tjerë të sallës, ku fillimisht është loguar mbikëqyrësi me Username (ID) dhe Password (fjalëkalim).

Theksojmë se, logimi i mbikëqyrësit të shkollës së mesme bëhet në mënyrë të detyrueshme pa praninë e asnjë maturanti apo personi tjetër në sallë. Identifikimi i mbikëqyrësit bëhet në portalin e Maturës Shtetërore, matura.akp.gov.al (ndiqni udhëzimin përkatës).

Nëse do të ketë raste maturantësh, që për një arsye ose tjetër nuk kanë mundur të logohen në portalin qeveritar, ata do ta bëjnë aplikimin drejtpërsëdrejti në portalin e Maturës Shtetërore. Përveç mbikëqyrësit, në mjediset e shkollës duhet të jenë prezent edhe mësuesi i informatikës (për korrigjimin e ndonjë problemi teknik) dhe mësuesit kujdestarë që kanë klasa mature. Për të rritur sigurinë dhe saktësinë e futjes së informacionit, mësuesi kujdestar do të monitorojë një ose dy kompjuterë afër njëri-tjetrit për aplikimin e maturantëve të klasës së tij/saj kujdestare. Për ta bërë më të qartë këtë skemë organizimi po japim një shembull ilustrues:

Supozojmë se kemi një sallë me 16 kompjuterë në gjendje të mirë pune dhe të lidhur me internetin dhe me një printer, të konfiguruar si printer rrjeti me furnizim të mjaftueshëm boje printeri (toner) dhe letër format A4. Dy kompjuterë të sallës aksesohen në portalin qeveritar, ndërsa 14 kompjuterët e tjerë aksesohen në portalin e Maturës Shtetërore: matura.akp.gov.al, pasi mbikëqyrësi pa prezencën e askujt në sallë është loguar, duke u identifikuar me Username (ID) dhe Password (fjalëkalim). Pas këtij hapi, në sallë futen 7 mësues kujdestarë, të cilët monitorojnë aplikimin online të maturantëve të klasave të tyre përkatëse, në dy kompjuterë afër njëri-tjetrit. Ky shembull është i lidhur me një rast konkret të një shkolle të mesme me shumë matura paralele dhe do të përshtatet në varësi të madhësisë së laboratorit dhe të shkollës.

Misioni i mësuesit kujdestar është monitorimi i saktësisë së plotësimi të Formularit A1 si dhe plotësimi i bllokut të të dhënave që duhet të hidhen në sistem, nën përgjegjësinë personale të tij, si: indeksi i profilit të shkollës, emërtimi i profilit, lloji i gjuhës së huaj që do të jepet si provim i detyrueshëm D3, emërtimin e lëndëve të detyruara dhe me zgjedhje si dhe notat e mbartura në këto provime, të dhëna më parë për aplikuesit me formularin A1Z. Mësuesi kujdestar firmos formularin A1 ose A1Z pas printimit të tij.

Për t'iu ardhur në ndihmë DAR/ZA-ve, për zhvillimin e suksesshëm të aplikimit të Formularit A1 dhe A1Z, në AKP është ngritur një grup pune specialistësh (Help Desk), të cilët do të jenë të gatshëm të përgjigjen për të gjitha problematikat e mundshme që do t'u shfaqen gjatë aplikimit. Kontakti me këtë grup pune mund të bëhet si më poshtë:

e-mail: matura-a1@akp.gov.al

Nr. Tel: 04/2253864, 04/2259654

Celular: 0684053163

Më poshtë po ju përcjellim kalendarin e aplikimit online të formularit A1&A1Z si dhe udhëzimet e përgjithshme për aplikim:

Aplikimi online i Formularëve A1& A1Z

	Data e fillimit	Data e përfundimit
Formulari A1	25 mars 2016	05 prill 2016
Formulari A1Z	06 prill 2016	09 prill 2016
Afishimi i aplikimeve të Formularëve A1 dhe A1Z në shkollë		deri 21 prill 2016
Korrigjimet e gabimeve në formularët A1 dhe A1Z 21 prill 2016		30 prill 2016

Përdoruesit e sistemit online, për plotësimin e formularit A1&A1Z nëpër shkolla do të jenë:

1. Drejtori dhe nëndrejtorët e shkollës
2. Mbikëqyrësit e maturantëve aplikues (caktohen nga drejtori i shkollës)
3. Mësuesit kujdestarë
4. Maturantët/ kandidatët aplikues

Mbikëqyrësve të shkollave do t'iu shpërndahen me përgjegjësi maksimale nga drejtori i shkollës [Username](#) dhe [Passwordet](#) e sistemit Matura Online si dhe Deklarata e Konfidencialitetit (për ruajtjen e të dhënave personale të maturantëve dhe kandidatëve pjesëmarrës në procesin e Maturës Shtetërore 2016). Kjo e fundit do të firmoset nga mbikëqyrësi dhe do të vuloset nga Drejtori i shkollës dhe më pas do të përcillet zyrtarisht në DAR/ZA-të përkatëse. Një kopje e deklaratave të firmosura për çdo mbikëqyrës, së bashku me listën e mbikëqyrësve të shkollave të varësisë të DAR/ZA do të dërgohet zyrtarisht në AKP brenda datës 10.05.2016.

Detyrimisht, mësuesit e informatikës dhe specialistët e IT të DARZA-ve duhet të jenë monitorues në laboratorët ku do të bëhet aplikimi, me qëllim për të vëzhguar gjendjen teknike të pajisjeve hardware si dhe për konsultimin e mësuesve kujdestarë dhe nxënësve lidhur me plotësimin e formularit A1&A1Z online.

Aplikimi online i formularit A1&A1Z do të bëhet në shkollat e përqendruara të qyteteve dhe të qytezave të DAR/ZA-ve, të cilat i janë dërguar zyrtarisht, më parë, Agjencisë Kombëtare të Provimeve (AKP).

Kujtojmë se laboratorët e përzgjedhur duhet t'i kenë të gjithë kompjuterët në gjendje pune dhe të lidhura me internet, pra Switch-et të jenë në gjendje pune.

Theksojmë se, laboratorët duhet të kenë nga një printer në gjendje pune, të konfiguruar si printer rrjeti, si dhe të furnizuar me toner (bojë printeri) dhe letër, në sasi të mjaftueshme për shtypjen e formularëve A1&A1Z, të të gjithë maturantëve që aplikojnë në atë laborator.

Pas aplikimit online me Formularët A1&A1Z nga maturanti/kandidati si dhe plotësimin me të dhënat përkatëse nga mësuesi kujdestar dhe mbikëqyrësi, ato do të printohen në dy kopje, të firmosura nga maturanti, mësuesi kujdestar dhe drejtori i shkollës si dhe të vulosura me vulën e shkollës. Njëra prej këtyre kopjeve, e firmosur dhe e vulosur nga DAR/ZA-të do të ruhet në DAR/ZA për një vit.

Ju kujtojmë se deri më datën 20 mars 2016 duhet të na dërgoni me e-mail, në adresat matura-a1@akp.gov.al, listën e mbikëqyrësve sipas shkollave që kanë marrë Username dhe Passwordet ku do të bëhet aplikimi online, të plotësuar sipas modelit bashkëngjitur në format excel.

Duke ju falënderuar për bashkëpunimin dhe duke ju uruar suksese për të gjithë procesin e Maturës Shtetërore.

Agjencia Kombëtare e Provimeve